



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Præmittitur quod apud omnes est certum, & difficultas resolvitur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

non aliud : sicut quamvis eadem sit entitas natura & persona in Verbo, illa tamen unitur, & applicatur humanitati in ratione personæ, ad illam terminandam, non vero in ratione naturæ, ad illam constituendam.

30. Ad objectionem, concessio Antecedente, nego Consequentiam, & paritatem. Ratio disparitatis est triplex. Prima, quia unio, & communicatio realis alicujus formæ, fieri potest sine unione, & communicatione eorum omnium, ad qua dicit essentialiem habitudinem: secundus est de cognitione quidditativa, cum relativa (ut supra dicebamus) sint simul natura, & cognitione: unde licet paternitas non possit comunicari Filio, per generationem eternam, & in Incarnatione unio hypostatica facta fuerit ad Personam Filij, non ad Personam Patris; repugnat tamen unam videri sine alia.

Secunda ratio disparitatis est, quia in Patre essentia & paternitas, & in Verbo, subsistentia & natura, distinguitur virtualiter, in ratione communicabilis, & unibilis, non tamen in ratione veri transcendentaliter, & visibilis: quia eadem essentia divina virtualiter indistincta, habet rationem speciei intelligibilis, respectu sui, & respectu attributorum, & relationum. Unde quamvis communicata essentia Filio, paternitas non communicetur, & unita personalitate Verbi humanitati assumpta, Persona Patris non dicatur incarnata: repugnat tamen, visà essentiâ divinâ, non videri relations, & attributa.

Tertia ratio disparitatis est, quia visio beatifica est cognitio Dei ut est in se; & quia Deus ut est in se, non potest manifestari quoad aliquid, & latere quoad aliud, eò quod manifestari aliquid actus puri, & manifestari totum, idem sit, ut supra dicebamus; implicat, per visionem beatificam videri naturam, non visis attributis, vel personis. Communicatio vero realis, sive ad intra per processionem, sive ad extra per unionem hypostaticam, non est communicatio Dei quomodo cumque, sed juxta exigentiam, & capacitatem extremi cui fit; & sic non fit sub omni modo, & secundum omnia quæ identificantur cum termino talis unionis, & communicationis, sed secundum quod illud extreum exigit, vel est capax. Unde in generatione æterna Pater æternus communicat Filio essentiam, & non paternitatem; quia cum hæc sit relativè opposita filiationi, Filius non est capax illius. Et in Incarnatione communicatur humanitati persona, & non natura; quia humanitas potest subsistere, & terminari per subsistentiam Verbi, non tamen intrinsecè constitui per ejus naturam.

31. Ad confirmationem, negandum est Antecedens: licet enim possit uniri essentia divina in ratione speciei, & non in ratione naturæ, vel subsistentia: tamen semel unita in ratione speciei (cum sit unio intelligibilis, & manifestativa Dei ut est in se) implicat uniri ad manifestandum aliquid, & non totum quod est in Deo: quia cum sit actus purus, in illo aliquo, quantumcumque minimo, omnis alia perfectio includitur; ac proinde repugnat Deum videri ut actum purum, & aliquam ejus perfectionem non manifestari, ut antea ponderatum est.

32. Objecies ultimò: Objectum primarium potest videri sine secundario: Sed essentia divina est objectum primarium visionis beatifica, attributa vero, & relations, pertinent tantum ad objectum secundarium: Ergo potest videri divina essentia,

A non visis relationibus, & attributis. Major videatur manifesta, Minor vero constat ex dictis Tractatu precedentem, ubi ostendimus solam essentiam esse objectum primarium, tam motivum, quam terminativum divinæ intellectio[n]is: attributa vero, & relations pertinere solùm ad objectum secundarium, unde cùm visio beatifica sit participatio divinæ cognitionis, idem de illa sentientiam est.

Respondeo primò, distinguendo Majorem: 33. Objectum primarium potest videri sine secundario, quando non haber necessariam connexiō[n]em cum illo, concedo. Si sint inter connexa, & unum transcendentaliter includatur in alio, nego. B Unde cùm essentia divina sit necessariò connexa cum relationibus, & attributis, & in illis transcendentaliter includatur; quamvis relations, & attributa pertineant ad objectum secundarium visionis beatæ, repugnat tamen divinam essentiam sine illis videri.

C Respondeo secundo: Relationes, & attributa non esse propriæ objecta secundaria divinæ intellectio[n]is, nec proinde visionis beatifica, quæ est ejus participatio: sed potius modos objecti formalis, & primarij, qui se habent respectu essentia divinæ, sicut sensibile commune respectu sensibilis proprij, v. g. quantitas, & figura, respectu coloris. Unde sicut (iuxta probabilem sententiam) repugnat oculum videri colorem, sine extensione, & figura (ex quo inferunt Theologi, corpus Christi non posse videri in Eucaristia, cùm in ea caret extensione locali, & figura) ita implicat, intellectum beatum videri essentiam divinam, sine personalitatibus, & attributis.

ARTICULUS III.

*Quonodo Viso Beata penetret libera
Dei Decreta?*

§. I.

D Premittitur quod apud omnes est certum & difficultas resolutur.

E Vppono tanquam certum, beatos videre in Verbo aliqua libera Dei decreta, licet non omnia. Ut enim infra dicemus, beati vident in Verbo quæ pertinent ad statum proprium ipsorum: Atqui multa decreta Dei libera pertinent ad ipsorum statum, ut ea quæ versantur circulum salutem, vel eorum qui ad illos pertinent: Ergo beati cognoscunt aliqua libera Dei decreta. Vnde D. Bernardus loquens de beatitudine: 3. de 10.
Quidni i. inquit) videatur ibi cor Dei? Quidni ibi probetur, que si voluntas Dei bona, & be- 11. der. neplacens, & perfecta? Patent viscera misericordiae, patent cogitationes pacis, divitiae salutis, mysteria bona voluntatis &c.

F Quod vero omnia libera Dei decreta non videantur à beatis, colliguntur ex D. Thoma infra quæst. 57. art. 5. ubi ait, *In visione beata, Angeli cognoscunt mysteria gratiae, non quidem omnia, neque æquale omnes, sed secundum quod Deus voluerit eis revelare.* Ratio etiam id studet: nam libera Dei decreta videntur non possunt, nisi attingantur objecta liberæ volitæ ad quæ terminantur, cùm actus liber Dei constitutur per connotationem, vel terminationem activam ad creaturas, defectibilem sub ratione puræ terminatio-

nis.

Dis. 1. & indefectibilem sub ratione entitatis &
art. 2. perfectionis, ut dicemus in Tractatu de voluntate
 Dei: Sed omnia objecta libere à Deo volita,
 non cognoscuntur à quolibet beato, ut constat
 de ultimo die iudicij, de quo dicitur Matth. 24.
 & Marci 13. *De ultimo die iudicij nemo scit, neque Angelii in celo.* Ergo omnia decreta Dei libera
 non videntur à beatis.

Hoc præsupposito, inquirimus modum quo
 beati vident & penetrant libera Dei decreta: an
 ex vi visionis beatæ, & per ipsum lumen gloriae,
 quo essentia divina manifestatur, vel ex aliquo
 alio lumine, aut revelatione divina, ad visionem
 beatificam subsecuta? Pro resolutione.

37. Dico, decreta Dei libera cognoscia à beatis ex
 vi visionis beatæ, & lumine gloriae, quo vident
 divinam essentiam, quatenus tale lumen habet
 vim revelationis, & manifestationis eorum quæ
 sunt in voluntate Dei. Est contra aliquos Recen-
 tiores, qui volunt illa non cognoscia à beatis in
 verbo, & per lumen gloriae, sed extra verbum
 per revelationem divinam. Est tamen D. Thomæ
 infra quest. 57. art. 5. ubi sic ait: *Eft autem alia
 cognitione quæ Angelos beatos facit, quæ vident
 verbum, & res in verbo: & hac quidem visio-
 ne cognoscunt mysteria gratiae, &c.*

38. Eadem veritas ratione suadetur. Lumen gloriae
 ob suam eminentiam utrumque munus habet, &
 quidditativè cognoscendi essentiam divinam, &
 manifestandi per modum revelationis ea quæ
 Deus liberè vult, & quantum, & quomodo vult,
 beatis manifestare: Ergo ex vi talis luminis, beati
 cognoscunt in essentia divina, libera Dei de-
 creta. Consequientia patet, Antecedens proba-
 tur. Lumen gloriae eminentius est lumine pro-
 pheticō, & comparatur ad ipsum, sicut lumen
 principiorum ad ea quæ ex principio deducun-
 tur, ut colligitur ex D. Thoma 2. 2. quest. 171.
 art. 2. ubi inquit: *Principium eorum quæ per pro-
 pheticam manifestantur, est ipse Deus, qui per es-
 sentiam non videtur à Prophetis, videtur autem
 à Beatis, in quibus hujusmodi lumen inest per
 modum formæ permanentiæ, & perfectæ, secun-
 dum illud Psl. 35. in lumine tuo videbimus lu-
 men.* Sentic ergo quod lumen beatificum sic at-
 tingit divinam essentiam, quod attingit princi-
 piū earum veritatum quæ videntur lumine pro-
 pheticō per modum transuentis: constat autem
 per prophetiam manifestari actus liberos Dei, &
 ea quæ per decreta libera Deus vult: Ergo etiam
 lumen gloriae, quatenus eminenter continet lu-
 men propheticum, & habet vim revelationis, &
 manifestationis eorum quæ sunt in voluntate Dei,
 penetrat libera Dei decreta.

39. Probatur secundò conclusio, ex doctrina quam
 communiter tradunt Thomistæ in materia de lo-
 cutione Angelorum: docent enim cum S. Do-
 ctore quest. 9. de veritate art. 4. ad 11. quod per
 eandem speciem, & per idem lumen, quo co-
 gnoscitur ipsa substantia, & voluntas Angelii lo-
 quentis, etiam cognoscitur ejus actus liber; per
 hoc solùm quod ipse cogitans velit ordinare cogi-
 tationem suam ad alterum, & hac ratione tol-
 lere occultationem moralem, quam habet cogi-
 tatio cordis, ex eo quod libera est. Sic ergo in
 presenti dicimus, quod per ipsum lumen quo beati cognoscunt naturam divinam, & quid-
 quid ad quidditatem Dei pertinet, quod est lu-
 men gloriae; & per eandem speciem impressam,
 quæ quidditativè representat Deum, ejusque at-
 tribuita (quæ est ipsam Dei essentia, gerens vi-

A ces speciei intelligibilis) supposita direktione,
 & ordinatione Dei, quâ velit dirigere, & ordi-
 nare actum suum ad intellectum beati, cognos-
 cet ejus decreta libera, sine distinctione luminis in-
 fusione. Ex quo habes, essentiam divinam, uno
 modo esse speculum necessarium, alio liberum.
 Est enim speculum necessarium, quatenus seip-
 sum manifestans, non potest occultare attributa
 & relationes; liberum vero, quatenus ex suis de-
 cretis, & ex creaturis existentibus, aut ex futuris
 contingentibus, potest hæc vel illa, ut libuerit,
 beatis manifestare.

§. II.

Solvuntur objectiones.

Bijicies primò: Actus liber Dei, ut talis;
 non est minus occultus de se, quam actus
 liber creatus: Sed iste non potest cognosci ex so-
 la penetratione, & cognitione quidditativa vo-
 luntatis creatæ, ut constat in Angelo superiori,
 qui licet comprehendat intellectum, & volunta-
 tem inferioris, ex vi tamen hujus comprehensio-
 nis, non cognoscit ejus cogitationes & actus li-
 beros, sed indiget novâ revelatione, seu manife-
 statione, quæ à Theologis locutio, aut illumina-
 tio appellatur: Ergo similiter, beati ex vi lumi-
 nis gloriae penetrant divinam naturam & vo-
 luntatem, non possunt cognoscere ejus decreta,
 sine nova revelatione, seu novi luminis infu-
 sione.

D Respondeo quod licet actus liber Dei non sit
 minus occultus, quam actus liber Angelii, &
 ideo non possit cognosci à beatis ex vi visionis di-
 vinæ essentie absolute; sicut nec potest cognosci
 actus liber Angelii, ex sola penetratione, & com-
 prehensione voluntatis angelicæ: sicut tamen,
 supposa direktione, & ordinatione, quâ unus
 Angelus vult ordinare suum conceptum, &
 actum liberum alteri quem vult alloqui, statim ip-
 sum lumen naturale intellectus angelici, potest
 cogitationes cordis alterius Angelii penetrare, ut
 docetur in materia de locutione Angelorum. Ita
 erit supposita divinæ ordinatione, quâ actus li-
 ber Dei dirigitur ad aliquem beatum cui vult il-
 lum manifestare, lumen gloriae quo voluntas &
 substantia Dei quidditativè cognoscitur, attin-
 git, & penetrat libera ejus decreta, sine nova re-
 velatione, & absque novi luminis infusione.
 Unde hoc argumentum solùm probat, libera
 Dei decreta non videri absolute, ex vi visionis divinæ essentie, sed supposita legē, & vo-
 luntate Dei, quâ vult ea beato manifestare:
 quæ manifestatio, revelatio quedam est; non
 quidem extra verbum, sed in ipsomet verbo
 facta.

E Objicies secundò: Si beati viderent decreta Dei ex
 vi visionis beatifice, & luminis gloriae penetrantis
 divinam naturam & voluntatem, sequeretur quod
 quilibet beatus videret omnes actus liberos Dei,
 vel quod nullum omnino videret: Neutrū potest
 dici, ut constat ex supra dictis: Ergo beati libera
 Dei decreta non vident ex vi visionis beatifice &c.
 Sequela Majoris probatur: Vel enim actus liberi
 Dei necessariam habet connexionem cum divina
 essentia, quæ est objectum primarium visionis beatifice,
 vel non? Si primum dicatur, sequitur om-
 nes actus liberos videri à quilibet beato; cum
 quilibet beatus videat omnia quæ habent neces-
 sariam connexionem cum natura & quidditate
 Dei. Si vero secundum affirmetur, sequitur nul-

Tom. I.

V

403

413

423